

Gans'lhaut

Heet hob i dee Bett voramt,
ganz laa is's jetzt neb'm mir.
Owa no vü schlimma is,
dass i **di** nimma g'spir.

Wos i von dir no ogreifa ko,
voschwind't stad aus meen Leb'm.
Long weg'gramt deene Schlapfa scho.
Di ko ma neam z'ruckgeb'm.

I bitt' eng, lost's mi lamatier'n,
da Obschied tuit so weh!
Und wonn's sogt's, dass i wehleidi bi,
hobt's recht, i ko eng guit vosteh'.
Nur, mir rennt d'Gans'lhaut auf — eiskoit.
Miad füh' i mi und a stoaait.

11. Juli 2023